



Broj: 03-34-2-779-1/11
Sarajevo, 15.5.2012. godine

- INSTITUCIJAMA BOSNE I HERCEGOVINE
- KOMISIJAMA ZA IZBOR DRŽAVNIH SLUŽBENIKA

PREDMET: Isti ili slični poslovi za potrebe izbornog procesa po javnim oglasima za popunu radnih mjesta državnih službenika u institucijama Bosne i Hercegovine, preporuka.-

Za potrebe sprovođenja konkursa za radna mjesta državnih službenika u institucijama BiH, za radna mjesta za koja je pravilnikom o unutrašnjoj organizaciji institucije kao jedan od posebnih uslova određeno **radno iskustvo na istim ili sličnim poslovima**, komisijama za izbor se preporučuje sljedeće:

- za radna mjesta rukovodećih državnih službenika i šefova (unutrašnjih) organizacionih jedinica, pod istim ili sličnim poslovima smatraju se svi poslovi u državnim organima koji uključuju rukovođenje organizacionom jedinicom ili područjem rada;
- izuzetno od prethodne alineje, a u cilju nesmetanog ostvarivanja sistema karijere državnog službenika, za kandidate koji se prijavljuju za radno mjesto šefa unutrašnje organizacione jedinice, pod istim ili sličnim poslovima smatraju se i poslovi stručnog savjetnika odnosno poslovi koji odgovaraju poslovima stručnog savjetnika;
- za radna mjesta stručnih savjetnika, viših stručnih saradnika i stručnih saradnika, pod istim ili sličnim poslovima smatraju se svi poslovi državnih službenika u državnim organima.

Pod državnim organima podrazumijevaju se organi uprave svih nivoa u skladu sa propisima o upravi, organi pravosuđa, sekretarijati i druge službe zakonodavnih i izvršnih organa svih nivoa, te organi lokalne samouprave gradova i općina. Osim navedenih državnih organa, ovaj akt se odnosi i na radno iskustvo stečeno u pravnim lica kojima su prenesena javna ovlaštenja (institucije sa javnim ovlaštenjima), u dijelu prenesenih poslova javnih ovlaštenja.

Gornje utvrđene preporuke shodno se primjenjuju i na radno iskustvo svih vrsta imenovanih lica, policijskih službenika i profesionalnih vojnih lica.

Izvan državnih organa, odnosno izvan poslova javnih ovlaštenja, isti ili slični poslovi smatraće se samo iznimno, ako se opisi ili karakter poslova na radnim mjestima u potpunosti ili u pretežnom dijelu podudara sa opisima poslova odnosno karakterom radnog mjesta koje se popunjava.

Ovim aktom se zamjenjuje instrukcija broj 03-34-2-779/11 od 06.09.2011. godine.

Dostavljeno:

- naslovu
- arhiva

DIREKTOR
Neven Akšamija